



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. II. De Perfectione Dei

[urn:nbn:de:hbz:466:1-77132](#)

DISPUTATIO QUARTA

16. Dices: Inter attributa divina & essentiam, datur distinctio rationis cum fundamento in re, ut supra ostendimus contra Nominales: Ergo & compositio rationis, qualis est compositio ex genere & differentia. Consequentiā patet, tum ex paritate rationis, tum etiam quia ad compositionem rationis sufficit sola distinctio rationis inter extrema quia per intellectum uniuntur.

Respondeo primo, distingendo Antecedens: Inter attributa divina & essentiam, datur distinctio rationis, per modum excludens & exclusi, nego Antecedens: per modum expliciti & impliciti, concedo Antecedens, & nego Consequentiam: nam ad compositionem ex genere & differentia, requiritur distinctio rationis per modum excludens & exclusi, cum gradus genericus à suo conceptu excludat differentiale, nec in eo implicitè includatur.

Respondeo secundò, dato Antecedente, negando consequentiam, & paritatem. Ratio discriminis est, quia distinctio rationis attributorum ab essentia, fundatur in eminentia divinæ naturæ, que ligat sit in se simplicissima, est tamen virtualiter multiplex, ut in præcedenti disputatione exposuimus: compositio vero ex genere & differentia, fundatur in potentialitate & actualitate, vel in compositione ex essentia & existentia, quæ repugnant actu puro, & enti per essentiam.

ARTICULUS II.

De Perfectione Dei.

Ad questionem 4. Divi Thomæ

Hactenus sculptoris munere funditus sum, tollendo à divino & increato esse defectus creaturatum qui obsecurat vel impedit poterant divina formæ & pulchritudinæ aspectum: nunc ad pictoris artem me converto, ut sicut ille, superinductis tabulæ variis colorum lineamentis, imaginem effingit; ita attribuendo Deo rerum omnium perfectiones, pulcherrimam & ornatisimam divinitatis formam, rudi saltem penicillo depingam. Sicut fecit Sponsus in Cantico, ubi adjurata à sodalibus, ut qualis esset dilectus eis enarraret: *Dilectus meus (inquit) candens & rubicundus, electus ex milibus, caput ejus aurum optimum, corna eius sicut elata palmarum, nigra quasi corvus &c.* Demique ut sponsi pulchritudinem describat, non singulorum hominum, sed totius universi perfectiones recenset: ut significet in Deo creaturarum omnium perfectiones eminentissimo modo præexistere, quod §. sequenti demonstrabimus.

§. I.

Demonstratur Deum esse summè perfectum, & in eo perfectiones omnium rerum contineri.

17. **D**ico primò rerum omnium perfectiones esse in Deo, ac proinde illum esse summè & infinite perfectum.

Probatur primo ex Scriptura, & Sanctis Patribus: dicitur enim Psalmus 49. *Pulchritudo agri mecum est: quæ verba expendens Augustinus ibidem, subdit: Quid enim cum illo non est: cum illo ager, cum illo species terra, cum illo species cali, cum illo omnia volatilia, quia ipse omnia.* Item Exodi 3. Deus

A plenitudinem essendi sibi tribuit, his verbis: *Ego sum qui sum, & qui est misit me ad vos.* Et cap. 33, cum Moyses ab illo petiisset, ut sibi ostenderet omnem gloriam suam, respondit, *Ostendam tibi omnem bonum, per hoc aperte indicans, omnem bonitatem & perfectionem,* ipso perfectissimo modo cōtineri. Quod etiam testatur nomen יהוה, quod interpretatur unus & omnia, & derivatur à radice Hebraica יהא, quæ significat ipsum esse, leu ipsam essendi plenitudinem, ut supra annotavimus: unde à Nazianzeno Deus, μέγας οὐσία, id est pelagus quoddam essentiae, immensum, & infinitum, & à Trimegisto, *Rerum omnium universitas* appellatur. Et similiter Græci, illum τὸν πᾶν, id est universum, nominant, ut signifacere in illo omnia eminentissimo & perfectissimo modo contineri. Unde in oraculo illo, *Magnus Pan mortuus est*, cuius meminit Plutarchus in libro de Oraculorum defēctu: Christus vocatur Magnus Pan; quia est omnium dominus, & universa in se continet. Etsi aliter iūd intelligent. Eodem juxta multorum interpretationem pertinet illud quod Deus dixit Moyū Exodi 33. *Ego ostendam omnem bonum tibi, nimis quia in Deo sunt omnia, perfectissimo & eminentissimo modo.* Unde egregie Nazianzenus in quodam carmine.

In te omnia permanent, ad te confitim festinant omnia,

C Tu omnium finis, tu unus, & omnia, & nihil rerum,
Cùm neque unum sis, neque omnia, quem te appellemus,

Qui solus innominabilis, & omni-nomius?

Quos versus sic exponit Lessius libro 1. de perfectionibus divinis cap. 1. dicitur esse omnia, quia omnia in ipso continentur, ita ut sit omnia formaliter, vel eminenter. Dicitur esse nihil rerum, quia est supra omnia, quæ à nobis concepi possunt. Simili modo dicitur innominabilis, & omni-nomius: Etsi enī pluribus nominibus appellantur, ut à nobis aliquando concepti possint, nullum tamen nomen, nullaque nostra conceptio, illum exprimeri potest, prout est in seipso: juxta illud ejusdem Nazianzeni oratione de fide, quæ est 49. *Certe hoc Deus est, quod cùm dicitur, non potest dici; cùm asseratur, non potest estimari; cùm definitur, ipsa definitio crescit.*

Probatur insuper conclusio rationibus D. Thoma hic art. 1. & 2. primo contra Gentesc. 28. & 38. & lib. 2. cap. 2. Prima potest sic proponi. Deus est ipsum esse per se subsistens, & per essentiam: Ergo omnes rerum perfectiones in se continent. Consequentiā probatur: Omnis perfectione petitur per se aliquod esse; justitia enim dat esse justum, potentia esse potentem, sapientia esse sapientem: Ergo ubi erit tota plenitudo essendi, & totius esse latitudo, ibi etiam erit omnis perfec-
tio. Unde egregie Bernardus de Deo percon-tatur, ac sibi ipse responderet: *Quis est? Non sane occurrit melius quam qui est. Hoc ipse de se voluit responderi, hoc docuit dicente Moysè ad populum, ipso quidem injungente, Qui est misit me ad vos. Merito quidem. Nil competentius aeternitati, quæ Deus est. Si bonum, si magna si beatum, si sapientem, vel quidquid tale de Deo dixeris, in hoc verbo insauratur, quod est, est.* Nempe hoc est ei esse, quod hæc omnia esse. Si & centrum talia addas, non recessisti ab esse. *Sic dixeris, nihil addidisti: Si non dixeris, nihil minusisti.* Si dixisti hoc tam singulare, tam summum esse, nonne in comparatione hujus quidquid hoc non

Liber
1. de
perfec-
tione
divinis
ca. 6.
non

DE ATTRIBUTIS IN PARTICULARI.

87

- non est, iudicata parvus non esse, quam esse? Quid item Deus: sine quo nihil est. Tam nihil esse sine ipso, quam nec ipse sine se posset. Ipse sibi, ipse omnibus est. Ac per hoc quodammodo solus est ipse, qui suum ipsius est, & omnium est.

Confirmatur: Si daretur albedo separata, & per se subsistens, quæ nullum diceret ordinem ad subiectum, nihil ei de virtute & perfectione albedinis deesse posset: nam alii cui albedini, aliquid de virtute & perfectione albedinis deest, ex defectu recipientis; quia eam secundum suum modum recipit: At Deus est ipsum esse abstractum ab omni contrahibili, infinitum, irreceptum, & illimitatum: Ergo totum entis perfectionem in se continet.

Confirmatur amplius: Quod est infinitum in aliquo genere, omnes illius perfectiones continet: v.g. si dare ut calor infinitus, omnem perfectionem caloris contineret; si poneretur linea infinita, omnem longitudinem occuparet: vel si daretur sphaera immensa & infinita, illa (ut ait Nicolas Cusa, libro de doctrina ignorantia) intras in ambius interminata in amplitudinem, omnes figuræ comprehenderet: Sed esse per se subsistens & irreceptum, est simpliciter, & in genere entis infinitum; cum careat omni limitatio, tam materiali, quam formalis; ut latius expendimus infra, quando agemus de infinite Dei: Ergo illud omnes omnium entium perfectiones eminenter in se continet.

Secunda ratio: Unumquodque instantum est perfectum, in quantum est in actu, imperfectum vero, in quantum est in potentia, cum privatione actus: Sed Deus est totaliter in actu, & nullo modo in potentia; est enim actus purissimus, & omnis potestualis expers: Ergo perfectissimum est.

Præterea: In unoquoque genere est aliquid perfectissimum, à quo cetera sub tali genere comprehensa mensurantur: Sed Deus est primus in genere entis: Ergo est mensura totius bonitatis & perfectionis in rebus, & omnes creaturæ perfectiones in se continet.

Confirmatur: Quæ sunt dispersa in inferioribus, mode eminentiori sunt unita in superioribus: Sed Deus est primus & supremum omnium entium: Ergo omnium creaturarum perfectiones, in ipso eminentissimo modo uniuertur, & continentur.

Denique, ut discutitur S. Doctor h[ab]it[us] art. 2. Quidquid est perfectionis in effectu, debet inveniri in causa efficiente, vel secundum eandem rationem, si sitagens univocum, vel eminentiori modo, si sit æquivocum: Sed Deus est prima causa effectiva rerum: Oportet ergo rerum omnium perfectiones in eo præexistere. Unde Dionysius de divin. nomin. cap. 8. Si per exiles imagines, ad autorem omnium ascendentem, purgatisimis oculis respiciamus, omnia invenimus in omnium causa, uniformiter, & conjuncte. Et cap. 2. docet omnia de Deo affirmari quodam modo & negari; illunque vocat, ιτάντων δια τον ξι πάρα τοπον, id est, Omnium positionem, & omnium ablationem: quia eminenter ponit omnia, tanquam omnia continens, & formaliter omnia auferit; quia à se excludit omnem rationem formalem creatam & limitatam.

Eiusdemmodi, si dicitur: Omnia in se continet, & non possunt separari, nisi per se subsistens, quæ nullum diceret ordinem ad subiectum, nihil ei de virtute & perfectione albedinis deesse posset: nam alii cui albedini, aliquid de virtute & perfectione albedinis deest, ex defectu recipientis; quia eam secundum suum modum recipit: At Deus est ipsum esse abstractum ab omni contrahibili, infinitum, irreceptum, & illimitatum: Ergo totum entis perfectionem in se continet.

Hæc tamen levia sunt, ac frivola, & rationem D. Thomæ magis confirmant, quam infirmant: certissimum num est hoc principium, effectus in sua causa efficiente præexistit: nam causa efficiens, in hoc à materiali differt, quod hæc in potentia tantum, illa vero in actu præhabeat suos effectus: quomodo enim eos producere posset, nisi eos in se virtualiter præhaberet: nam, ut communiter dicitur, nemo dat quod non habet: Sed agere & producere, est dare esse effectui: Ergo agens præhabet in se totum esse, totamque perfectionem sui effectus: vel formaliter, si sit causa univoca, vel eminenter, si sit æquivoca: vel virtualiter, si sit causa instrumentalis, elevata per virtutem, & motionem principalis agentis. Unde negatur imaginem non esse saltem Virtualiter in penicillo, ratione motionis artificiosa, à qua regulatur, & applicatur ab artifice. Negatur etiam animal non præexistere virtualiter in semine, & hominem in Sole.

Ad illud quod additur, dicendum est, quod quamvis perfectiones creaturarum, quæ actu sunt, vel sunt, aut fuerint, finitas sint, & in aliquo determinato numero: Creaturæ tamen possibilis quæ latent in omnipotenti divina, tanquam in causa, earumque perfectiones, infinitae sunt, saltem in potentia, & sincategorematice, ut loquitur Philosophi: Deus enim, qualibet productâ, potest aliam perfectiorem in infinitum producere: Unde ex eo quod omnium creaturarum possibilium perfectiones, in Deo tanquam in causa continentur, rectè inferit D. Thomas, illum esse infinitè perfectum.

speculativum in Theologia; vel eminenter virtualiter, sicut calor in Sole. Denique aliquid potest esse in alio eminenter formaliter, duobus modis: scilicet perfecte, ut quando inferius continetur in superiori, a primo gradu, usque ad ultimam differentiam, etiam individualem; & imperfecte, quando scilicet in eo continetur, solum quod rationes generales, & genericas, non verò quantum ad rationes atomas & individuales. His positis.

24. Dico primò: Perfectiones omnes simpliciter simplices esse in Deo formaliter eminenter.

Probatur: Deus est summè & infinitè perfectus, at ostendimus §. præcedenti: Ergo formaliter in se continent perfectiones omnes quæ sunt tales simpliciter, & quæ nullam imperfectionem in se includunt: Atqui perfectiones simpliciter simplices, in conceptu formaliter nullam dicunt imperfectionem: Ergo in Deo formaliter continentur.

Confirmatur primò: Cùm Deus sit id quo nihil majus aut melius excogitari potest, ei tribuendum est quod est melius: Sed perfectio simpliciter simplex est melior ipsa, quam non ipsa, ut dicit Anselmus: Ergo formaliter Deo tribuenda est.

Confirmatur secundò: Hujusmodi perfectiones prædicantur formaliter de Deo: dicitur enim Deus formaliter intelligens, sapiens, justus, misericors: Sed prædicari sequitur esse, & modus prædicandi modum essendi: Ergo illæ perfectiones sunt in Deo formaliter.

Quod autem in illo sunt etiam eminenter, ex eo patet, quod sunt in illo sub ratione altiori, & eminentiori, quam in creaturis: in ipsis enim sunt accidentia, qualitates, habitus: & habent modum essendi finitum, & limitatum: in Deo autem sunt substantia, & habent modum essendi infinitum & illimitatum.

Dico secundo: Perfectiones secundum quid continentur, non sunt in Deo formaliter, sed tantum eminenter, eminentiā perfectā, ita ut illas contineat, non solum secundum rationes communes & genericas, sed etiam secundum rationes specificas & individuales.

25. Probatur prima pars: Impossibile est aliquam imperfectionem esse formaliter in Deo: Sed perfectiones secundum quid involvunt inseparabilitatem & impræscindibilitatem in suis conceptibus formalibus aliquam imperfectionem, ut constat in rationalitate, hinnibilitate, motu, discursu, &c. Ergo non sunt formaliter in Deo.

Confirmatur primò: Quae sunt formaliter in Deo, de illo formaliter dicuntur, ut patet de sapientia, potentia, justitia, & aliis perfectionibus, quæ quia sunt in Deo formaliter, de illo formaliter prædicantur: At perfectiones secundum quid de Deo formaliter non dicuntur: Deus enim non potest dici corpus, nec leo, aut agnus, vel lapis, nisi metaphorice: Ergo illæ non sunt formaliter in Deo.

Confirmatur secundò: Si perfectiones secundum quid continentur, essent formaliter in Deo, sequeretur quod Beati videntes essentiam divinam, cognoscerent distinctè omnes creaturas possibles, secundum perfectiones illarum; & sic quod comprehendere divinam omnipotentiam: Consequens est falsum, ut ostendemus in Tractatu de Visione Beatifica: Ergo & Antecedens. Sequela Majoris probatur: Ut enim ibidem docetur, Beati cognoscunt distinctè, per

A lumen gloriae, & visionem beatificam ea omnia quæ sunt in Deo formaliter, ut essentiam, attributa, & relationes &c. Ergo si perfectiones secundum quid continentur, in Deo continetur formaliter, quilibet beatus, ex vi visionis beatifica, eas cognoscet.

Secunda pars etiam suadetur: Deus est causa efficiens, non univoca, sed & equivoca omnium creaturarum: Ergo debet illarum perfectiones, in se eminenter præhabere. Probatur Conscientia: causa enim efficiens, cā ratione quā est efficiens, debet in se virtualiter, vel eminenter præhabere effectum quem producit, ut supra ostendimus: cā vero ratione quā est & equivoca, debet illum excellentiōri, & perfectiori modo, & sublati imperfectionibus, in se præhabere, ac proinde eminenter, ut constat in Sole, & aliis causis superioribus.

Quod autem continentia illa eminentialis, sit perfecta, & se extendat non solum ad rationes communes, & genericas, sed etiam ad atomas & individuales, docet Sanctus Thomas infra quest. 14. art. 6. ubi hæc scribit: Omnia Deo praexistunt, non solum quantum ad id quod commune est omnibus, sed etiam quantum ad ea, secundum quæ res distinguuntur. Et sic cū Deus omnes perfectiones contineat, comparatur Dei essentia ad omnes rerum essentias, non sicut commune ad propria, ut unitas ad numeros, vel centrum ad lineas, sed sicut perfectus actus ad imperfictum, ut si dicerem homo ad animal, vel senarius qui est numerus perfectus, ad imperfictos sub ipso contentos. Ex quo ibidem inferit, Deum cognoscere res omnes creatas, non solum in communi, & secundum rationes universales & genericas, sed etiam distinctè, & in particuliari, & secundum differentias atomas, & individuales.

Hinc habes, perfectiones omnes creaturam, multò perfectiori, & eminentiori modo in Deo contineri, quā animalia, & plantæ in virtute Solis, & aliorum corporum cœlestium: nam Sol, & corpora cœlestia, Non attingunt per se primum in rebus inferioribus, nistrationem viventis, aut corruptibilis, quæ cūm sit potentialis, & genericæ, non includit in ultimis illarum differentiis, & sic non continent res inferiores, nisi continentia quadam eminentiali imperfecta, & se extendeat solum ad rationes communes & genericas: Deus autem suā cauitate, & omnipotentiā, per se primum attingit in rebus creationem entis producibilis, quæ per se primum correspondet universalissimæ cause: unde cūm ratio illa sit transcendens, & formaliter imbibita in modis, & differentiis creaturarum, Deus illas continet modo quadam eminentiali perfectissimo, & se extendente, non solum ad rationes communes & genericas, sicut continentia eminentialis Solis; sed etiam ad rationes atomas & individuales.

Mirabiliter divini esse eminentia & comprehendens, significatur in facris litteris, præcipue in visione illa Ista cap. 46. ubi dicit, Vidi Dominum sedentem super solum excelsum, & elevatum, & plena erat domus maiestate eius, & ea quæ sub ipso erant, replebant Templum. Seraphim stabant super illud, & clamabant Sanctus, Sanctus, Sanctus, &c. Prima enim proprietas divina continentia, scilicet eminentia, declaratur in eo quod attribuitur Deo celitudo, quando dicitur, quod sedet super solum excelsum

sum & elevatum. Comprehensio vero totius entitatis & perfectionis que in creatura reperitur, denotatur in eod quod Deus depingitur, veluti amictu gloria, ad significandam plenitudinem maximam divini esse, ambientis & continentis totum esse creaturarum. Ad explicandum vero quod est Dei continet omne esse creaturarum, sine illa admixtione defectus, & seclusis imperfectionibus potentialicatis, limitationis, compositionis, &c. Seraphim clamat Sanctus, Sanctus: Sanctus enim idem est ac puritas; & ad hoc amplius declarandum, ter vocatur Sanctus, ut hac tripla repetitione denotetur, puritatem illam esse summam, & infinitam, & ab omni impuritatibus macula, & imperfectionis fece prorsus immunitam. Unde Augustinus, vel Author libri de spiritu apud Augustinum regno 9. Deus est sine quantitate magnus, sine qualitate bonus, sine tempore semper immutatus, sine morte vita, sine infinitate fortis, sine mendacio verus, sine loco ubique totus, sine situ ubique praesens, sine extensione omnia implens, sine contractione ubique occurrens, sine motu omnia transiens, sine statu intra omnia manens, sine indigentia omnia creans, sine labore omnia regens, sine mutatione omnia mutabilitas faciens.

§. III.

Demonstratur Deus simul cum creaturis, non esse quid maius, aut perfectius, etiam extensivè, quam Deus solus.

Dico tertio: Deus cum creaturis non est aliquid maius & perfectius intensive, sed nec extensivè propriè, quam Deus solus. Est contra Durandum, & quoddam alios: est tamen D. Thome 1.2. questione 34. articulo 3. ad 2. & questione 5. de malo, art. 1. ad 4. & in 3. sent. dist. 5. quest. 2. art. 3. ad 2.

Probatur primo conclusio ex Scriptura, & SS. Patribus: Isaia 40. tota creaturarum universitas, cum Deo collata, dicitur esse quasi stilla stulta, & omnes gentes quasi non sint, sic esse corameo, & quasi nihilum & inane reputari: Sed ex accessione nihil, esse non crescit, sed potius decrescit: Ergo nec ex accessione creaturarum augetur & crescit divina perfectio. Unde Augustinus tractatu 11. in Joannem. Si fueris sine Deo, minor eris; si fueris cum Deo, maior Deus non eris: non ex te ille maior, sed tu, si non minor. Item Gregorius Nazianzenus supra relatus, comparat Deum Oceanum, & vocat essentiam divinam πλαγας οικους, id est immensum quoddam Pelagus essentia. Sicut ergo Oceanus sic à natura dives est, sic seipso abundans, ut nec adventitiis aquis crescat, nec perpetua aquarum suitor labentium fugā decrescat; ita Deus, nec incrementa, nec decrementa patitur perfectionis, semper plenus, semper abundans, & super effluens.

Probatur secundo ex D. Thoma, qui loco citato ex 3. sententi. dicit: Bonum creatum se habet ad incrementum, sicut punctum ad lineam: Sed punctum, cum sit indivisibile, additum linea non facit maius: Ergo nec creatura addita Deo. Item loco §. 1. citato ex summa contra Gentes, docet, quod divinum esse se habet sicut ens abstractum abstractione formalis, respectu aliarum perfectio- num: Sed ens abstractum abstractione formalis, & Angelus verb. gr. non sunt quid perfectius, quam solum ens abstractum; si quidem habent se sicut includens & inclusum, & quidquid perfectionis

Tom. I.

A est in Angelo, clauditur in ente sic abstracto: Ergo etiam Deus & creatura simul sumptus, non faciunt aliquid maius & perfectius, quam solus Deus.

Probatur insuper conclusio rationibus D. 32. Thomæ, locis citatis. In pribris enim infinitum, ex additione alicuius finiti, non potest fieri maius, ut docet Aristoteles: Sed Deus est simpliciter, & in genere entis infinitus, ut infra ostendimus; perfectiones vero creaturarum sunt limitatae & finita: Ergo creatura simul cum Deo, non faciunt aliquid maius & perfectius, quam solus Deus.

Secundò, Deus est ens per essentiam, creatura entia per participationem: Unde sicut participatio alicuius rei, non ponit in numero cum re cuius est participatio, ita nec creatura, in ratione perfectionis, ponunt in numero cum Deo, e- junque perfectionibus.

Tertio, Quando aliquid additur alteri ejusdem rationis, tunc fit aliquid maius, ut si linea addatur linea: ceterum si addatur aliquid diversa rationis, non fit maius, aut perfectius, ut si linea addatur multa puncta: Secundum perfectio creatura est diversa rationis, & ordinis inferioris ad perfectionem divinam, & plus ab illa distat in ratione perfectionis, quam punctus à linea in ratione quantitatis: nam linea & punctus, saltem reducti, ponuntur in eodem predicamento, & aliquo modo convenienter in ratione quantitatis: Deus vero & creatura, se totis diversa sunt, & ne quidem in genere convenienter: Ergo creatura simul cum Deo non faciunt aliquid maius & perfectius, quam solus Deus.

Denique, Sicut tempus additum aeternitati non augmetat nec extendit durationem ipsius: quia omnes durationes illi inferiores, in ea eminentissimo modo continentur: ita Deus & creatura non sunt aliquid perfectius, etiam extensivè, quam solus Deus; quia similiter tota perfectio creaturarum, etiam numerica, in Deo perfectissime continetur.

Confirmatur: Mundus supra divinam perfectionem nihil aliud addit, praeter dependentiam, limitationem, & imperfectionem: Sed ex additione dependentia, & imperfectionis nequit augeri vel extendi divina perfectio: Ergo creatura addita Deo, non possunt facere aliquid maius & perfectius, etiam extensivè propriè. Quod ad hoc, quia extensivè improprie, aliquo modo Deus & universum efficiunt maius, in quantum sunt plures, & plures modi habendi eandem perfectionem, sicut plura puncta faciunt maius extensivè improprie, cum linea; non quod augeant eam extensivè, sed quia sunt plura numero.

ARTICULUS III.

De Bonitate Dei.

Ad questionem 6. Divi Thome.

Quæ D. Thomas docet quest. 5. de bono in communi, philosophica sunt, & supponenda potius ex Metaphysica, quam fisiū expoundenda. Quare his omissis, solum hic agemus de bonitate Dei, de qua meritò dici potest illud, quod ait Augustinus de gloria Paradisi: Desiderari potest, concupisci potest, suspicari potest, verbis explicari non potest. Tract. 34.
in locan.
§. unius.

M